

外科正宗



重訂外科正宗卷之三

癰疽圖形第十五

癰疽等發三十圖

婦人等症四圖

嬰兒等症二圖


附外科諸症瘡名十律




此圖係... 癰疽... 瘡名... 十律



蜂窠殿形如蜂窠頭全螺左正腐
爛孔孔流膿紅活者生惡陷是



井疽心火妄動發之厥赤
高腫者生堅硬紫黑者危



玉枕瘡
 玉枕瘡膀胱溫熱凝滯而成紅腫者其陷者死




對心發心火沸騰溫熱凝腫其腐遺毒軟陷紫黑者死

天疽此陽火熾盛發之紅赤高腫者紫黑平墜自死



附骨疽初起入腿筋骨作痛久則
漫腫出膿黃稠者生氣敗者死



馬
氣瘦

瘰癧

附骨疽

附骨疽

疔


外科正宗卷之三

對只太陽溫熱結聚而成
腫易治

對疽



失榮症生於耳前後夕
 頭間初如痰核久則堅
 硬漸大如石破後無膿
 惟流血水堅硬仍作腫
 痛異常乃百死生之症




失榮症

橫痃

囊癰

手發背

耳後發有頭高腫者生無膿陰陷者死



耳後發






形如粟米色如紅薯者是也此夏百病

脱胎

肚癰乃飲食多滯厚味釀成凝
向腫潰爛者生紫黑平塌陷者死



人面猿眉，業寬得此
先其修省，後方醫治



人面猿
憲





上發背
中發背
下發背

附陰瘦

高腫為癰
沉潰為疽
有膿者生
無膿者死



侵腦症

風有疽

黑汗在耳竅內

馬疥瘡在鼻下
肩風



喉癰
癰

氣癰

臍癰

腋疽

穿窬疽

脫疽

蛇頭瘡



胃口疔發在心胃之後陽者有
頭陰者無頭凡飲食炙煨所致



額疔

蟻集疔

胃口疔



蘭唇

翻在瘡

脇疽

腸癰

便毒

魚口疽

陰疽

鶴膝風

穿跟疽

腳氣

腳氣




辰痘生辰上有頭腦起寒熱發作胃經積毒所致

流注起於寒熱不調氣血凝滯而生

流注





此圖係...

此圖係...

卷之三








胃疽


合名疔名疔

魚肚疔





小腸癰腹臍空者甚虛



鉛毒發

腎俞發

委中毒

鵝疽

懸癰疔毒之後殺
道之前結腫是也

耳後二寸三分致命
之處發之一名天疽

腎俞發



癩疔

癩疔

魚腮

膠疔


癩疔

右癩疔

紅癩疔



南京中医药大学图书馆版权所有



二
離
之
名
醫
羅
維

下
馬
羅

坐
馬
羅





透腦疽

氣癰

陰疽

咬骨疽

玄疽

穢疽

硬腫腐爛臭穢者是也

鼻疔




虎
鬚
毒

龍
泉
疽




南京中医药大学图书馆版权所有



清华大学医药大学图书馆版权所有

棉花絮即楊梅瘡是也





鈕扣風頭上如
癩從癢直也



乳岩中空穴，允邊腫者，多難堪，瘰癧也。



紅腫發熱疼痛者是也



堅硬腐爛者是也

乳疽



赤遊丹紅如雲形者是也



走馬疳牙根黑腐臭爛者是也



癰疽諸症瘡名十律

其一

背之左右謂癰疽

手膀肩臂亦相同

肺疽居右癰居左

蜂癰左右近喉嚨

耳後右為銳毒看

天疽左耳後相逢

左右兩肩名搭手

井疽止發在心中

其二

流注牽藤六七成

發於心上止臍平

脇疽生在脇臍下

陰疽大體近箕門

穿踝疽穿股拐下

腳氣原來腳底生

左為便毒右魚口

鶴膝風從膝眼成

其三

肩下臍癰腋下疽

喉嚨上下氣癰醫

當脉脫疽君可記

三寸相離穿骨基

紅絲疔從手上起

蛾子喉風口內隨



腎疽當腎生左右

三里穴發附陰疽

其離臍四寸為嚇癰

再高三寸號幽癰

腸癰還從臍突起

四胸疽乳上心肺中

合谷一疔名虎口

蛇頭魚肚指頭逢

腦後一疽名玉枕

莫作如常一樣同

左玄陰右福疽發

其肩疽樂疽居右手

石榴離肘上三分

僕頂疽生腦頂門

五咬骨陰包穴上生

淵疽腎上腿附骨

敢交患者即安生

人世毒瘡當切記

鬢邊所發亦疽醫

眉中鳳眉防侵腦

其顴骨為疔唇上疽

鼻内生疔當速療

透腦原來髮際基

六黑疔耳內不為奇

頰疔魚眼近腮齊

一氣生來在頸項

其眉毛癩疽能大毒

牙根唇上癰莫異

虎毒龍泉唇上下

其馬刀癩癰氣癭瘡

牙下生之疽一行

七對口原來髮下藏



頂牙縫突為疔治

休作人間容易瘡

其心肝脾肺腎癰疽

當看胸中穴道醫

更有黃頭并白泡

八發無定處速如飛

左為坐馬右下馬

尾骨頭尖顛口疑

此物殺人能致命

火急攻醫切莫遲

其婦人之乳有數種

高腫為癰堅硬疽

還有乳岩真惡症

九腫如頑石破如墟

鈕叩之風生頸項

裙帶風瘡腳下需

又有溼腫瘡等疾

總生下腿上安居

其嬰兒走馬爛牙疳

黑腐沿開臭不堪

赤遊丹毒渾身到

十鵝口瘡苔滿口漫

風瘡奶癩多搔癢

血灌膿窠痛久安

還有心脾治熱症

口疳重舌一般看

重訂外科正宗卷之三終



重訂外科正宗卷之四

上部疽毒門

腦疽論第十六

夫腦疽者俗稱對口是也但所發不同其源有二得於濕熱交蒸從外感受者輕五臟蘊結從內發外者重其理何也濕熱之爲病天行氣候寒暑不調節序溫涼陰陽失度凡有體虛者易於侵襲項後雖屬督脉又主太陽寒水司行之道所有侵襲氣血必凝凝則後必爲腫此從外感受者其患初起有頭多生正穴三四日間多作炊痛始生寒熱口和而乾色紅根活瘡勢漸高形不散大時止時疼易膿易腐飲食知味起坐尋常外勢雖可畏而內無七惡之症相于此屬陽症其由從外來矣故多不治可愈所有五臟臟結而成者重其源有五蓋心主血故心緒煩擾煽動不寧以致火旺



而沸騰行於項間與寒水交滯而爲腫者一也肝統筋故惱怒傷
肝項乃三陽統筋之所肝傷則血脈不潮筋無榮養凝結爲腫故
項緊急強痛不能轉側其患未潰則肉色紫暗堅硬漫腫破流血
水木痛無膿此等之症皆肝氣受傷者二也脾主肌肉故思慮傷
脾脾氣日損又或膏粱損胃汁乾枯以致中脘脘塞氣不運行逆
於肉裏乃生壅腫其患外皮雖腐而內堅不潰口燥舌乾飲食不
進根腳走散膿穢色敗此等之症皆脾氣受傷者三也肺主皮毛
故憂鬱傷肺肺傷則毛竅閉塞腠理不通氣不舒暢縱橫經絡結
而爲腫其形瘡多平陷色淡不華皮腐脂流形如湯潑氣麤短促
鼻徽鼻掀碌碌生痰殷殷發嗽此等之症皆肺氣受傷者四也腎
生骨髓故恣慾傷腎腎傷則真陰之氣敗矣真陰一敗相火自生
此火最能自升自降或動或靜煎熬臟腑消燥津液更變形容改

換聲音瘡形紫黑脉數垂度煩躁口乾隨飲隨渴此等之症皆腎
氣受傷者五也凡治此症必內分虛實外辨陰陽體順天時察其
病理七日以前瘡勢未成者當通竅以汗發之七日已後病勢已
成治當兼補以托之此則毒不內攻外無變症如藥攻利太過元
氣受傷毒多難出又敷圍涼藥氣血冰凝則肌肉多死反難腐潰
予嘗治此及諸發背初起未成者用披針當頂點入知痛處出其
惡血通其瘡竅隨插蟾酥條直至瘡底外用膏蓋內服萬靈丹或
蟾酥丸發其大汗解散內蘊之毒次日患上或腫或不腫或痛或
不痛仍插仍貼直至患頂腫高根腳突起四圍列縫有膿方住插
藥輕淺者九日後吐出病根堅硬不化之物毒甚者不能頓然脫
落亦可漸腐成膿為轉重就輕之良法外用玉紅膏長肉內服補
托收斂其患不久自愈如陽症輕淺者候自腐潰不用前法針刺

如不腫不疼灸亦不痛陰症尤當速用不必遲延此為移深居淺
之大法也

腦疽看法

初起頂高根活色紅皮薄作疼焮熱腫不開散者順已成無論偏正
瘡形獻起疼痛發熱易膿易腐者順已潰膿稠肉色紅活瘀腐易脫
焮腫漸消痛減者順潰後腐脫新肉便生瘡口漸斂凝結痂膿作瘻
者順初生一點黃泡或似疔瘡不腫不疼自不知覺者逆已成不發
高腫亦不焮痛瘡頂軟陷根腳平散者逆已潰膿清肉色紫黑外皮
不腐內生臭穢不食者逆腐肉雖盡新肉不生瘡口散大軟陷無神
色敗者逆

腦疽治法

初起有頭或無頭大痛或不痛俱宜蒜灸兼服解毒已成堅硬發熱



厥痛口乾便秘者邪在內也宜泄之堅腫不痛發熱惡寒頭疼四肢
拘急者兼發表攻裏腫硬且深形色紫黑外皮不腐內膿不潰宜行
拔法腫強頭面焮熱口燥惡心嘔吐者邪在上也宜清之焮熱腫痛
紅色光亮疼苦有時內膿脹痛者急開之將潰不潰微熱微紅不作
腐潰者脾胃虛也宜補之潰後腐肉不脫膿水清稀腫痛仍作者當
大養氣血大便多澇小便短澇自汗食少脉細身涼溫中健脾

腦疽治驗

一男人項疽十餘日視其瘡勢頗甚根連左右耳項並腫紅赤焮熱
脉浮而數先用黃連消毒散二服退其大勢根腳稍定後用托裏
消毒散數服不覺腐潰但診脉浮無力詢知患者年過五旬久艱
嗣息房中又有婢妾多人兼思慮勞慾太過損傷元氣故也又瘡
形勢大止能起發不能培養為膿更用十全大補湯加桔梗白芷

倍人參白朮各三錢外用桑朮灸法早晚二次灸之又塗紫葇膏
數日患者頭面俱腫雙目合縫形狀可畏然後腐潰並作膿山打
至數升如此半月因前藥不勝其事內加煩躁不寧五心煩熱飲
食漸少等症此謂膿水出多氣血走泄爲虛火假症之故雖變不
妨隨用聖愈湯一服不應又進一服加熟附子二錢方應前症悉
退次以人參養榮湯加麥冬五味參朮常倍至三錢調理月餘後
至腦骨腐肉連髮片片脫下其狀狼狽不可觀瞻凡相視者無不
點頭驚訝又恐腐潰深大補不及事每日粥食中用人參三錢凡
食分入同煮食之以接補脾元後方元氣漸醒調理四月方愈彼
後一年反生其子以承後祀也

監生項瘡初起請視瘡頭偏於右半不可輕待必用艾灸爲上隔
蒜灸至十五壯知痛乃住後彼視爲小恙失用內藥又四日其瘡

復作頸腫項強紅紫水痛便秘脉實有力以內疎黃連湯加元明粉二錢通其大便次用消毒救苦湯二服腫勢仍甚此內毒外發也不可再消之換服托裏消毒散至延二十日因患者肥甚外肉多繁不作腐潰予欲行針開放彼家堅執強阻其後變症一出煩悶昏慣人事不醒彼方驚悔隨用拔針左右二邊併項之中各刺一竅內有膿腐處翦割寸許頑肉放出內積瘀毒膿血不止碗許內服健脾胃養氣血托膿補虛之藥其膿似泉流不歇每朝夕藥與食中共參六七錢服至腐肉脫盡新肉已生又至四十日外患者方得漸甦始知人事問其前由遲不知其故也此患設若禁用針刀不加峻補豈有生乎因其子在庠見識道理從信予言未百日而愈也

一男子項瘡五六日就肆看視頭便黃色根亦平散予曰此當急治

方可彼面色不悅而去又請里中一醫視之乃曰小恙也因喜其
說用藥又至五日外其瘡勢堅硬根脚開大毒氣已過兩肩旋浮
前項胸乳皆腫嘔吐惡心寒熱不食瘡勢形色俱覺可畏始信前
言復請予治其瘡形狀不可觀也此非藥力可及先用葱艾湯洗
淨舊藥運者藥筒拔提二處拔出瘀血碗餘隨用銀針斜斜插入
根脚透通患底數處以蟾酥條插入孔內此最解毒爲膿統以膏
蓋走散處以重君妙貼散敷之曰漸日消其毒收歸後項原處又
兼服內托降火化痰之藥三四日候其大勢已退內膿已通換服
十全大補湯凡堅而不化者照之腐而不痛者取之新血生遲者
培之如此調理將近三月方得完口平復此爲患者謹疾忌醫之
過幾乎至於喪命者多矣

一女人年過六旬係宦族素稟怯弱項間患疽初起頭便如粟請裏

可容谷之病也喜其形體不肥雖發之後必易於腐潰此則不妨
前說先用隔蒜灸之次用蟾酥餅貼灸上四邊以吸毒散敷之收
其根腳不散內服托裏消毒散敷數服瘡勢堅硬疼痛不止予曰到
某日方止况今瘡不腐潰診其脉細數而無力此內虛之故不能
解毒爲膿以疼爲要豈可得止次換益氣養榮湯加角針白芷三
服腫亦漸起外用桑木灸法其堅漸軟膿出稠而不多前方去角
針白芷加香附倍用參芪又數服方得膿潰潰後痛亦不止予曰
再三日午後痛可止也至期腐肉將脫小半臨午用乳香定痛散
一服午後疼痛頓退安睡不醒患家欣悅予曰不然此在用藥適
其時也雖半月之言應於今刻惟信則不失耳後當某日腐盡某
日肌平某日完口此二者患家以墨繩記候期日果實並無過與
不及也此法要在眼力精巧量病難易新腐遲速補助有無用藥

合式然後相量日數可決於前發之必中也

婦壯年項瘡三日其形徑對前口彼家相畏人胖不當瘡發此穴也予視頂高腳活雖發不妨彼欲內消之方安予曰藥消則不能針消則可取彼從之用拔針當頂針八六七分點至軟肉方佳隨去瘀血又以蟾酥條插入孔內服蟾酥丸得大汗而解次日瘡上微膿出之漸消尤恐內毒未盡又用消毒清熱之藥數服不出十日而安大抵凡欲消瘡先斷根本次泄毒氣使毒自衰無得內攻爲妙

一男子耳後生疽十餘日自謂小恙不治將近半月根腳漸大瘡頭惟流血木稀惡污穢四邊紫黑軟陷無膿面慘鼻掀手冷氣促診脈散大無根此內敗症也何必治之辭不用藥又延客醫治之因詢無事患者恨予不治凡遇親友勉力支持厲聲自囑決不甘死



之軀一敗無不傾倒

一婦人正對口四五日自灸其餘壯逕不知痛灸疤焦黑平塌如故
診之脈微數而無力此內虛症也若假藥力則誤其事用拔針當
頂刺入寸許不知痛亦無血出此毒滯而未發揚者用蟾酥條插
入針孔每日一次膏蓋其上至七日後周圍裂縫出膿內服純補
之藥至十四日落出瘡根一塊指大長寸餘厚以玉紅膏平長肌
肉又半月其口已平以珍珠散摻上卽刻生皮而愈此症設若不
用針工專假藥力攻托雖不至死豈能得其速愈者哉

一婦人四旬肥甚項瘡五六日視之肉腫瘡不腫必竟生疑恐又兼
口燥心煩堅硬色紫根腳散平六脈洪大此太過症也後必無膿
相辭不治彼又請醫視之有言外托者又言內消者有稱年壯不

妨又說脉大易治衆人紛紛不定仍各用藥又至七八日前後約
項俱腫木悶堅硬仍復請視決之予曰此不治者何也初起內腫
瘡不腫頂陷者一也根腳平散真氣內敗不能收束毒氣三也口
燥心煩邪火內淫三也形色紫暗血死毒滯不作腐潰者四也六
脉洪大瘡毒大盛正氣受尅無以抵當故瘡終變軟陷邪毒內攻
而死者五也當備後事爲要此終於二十七朝前後足矣後果至
期而歿觀此言正順理之病可歎時人何爲紛紛妄治也

腦疽主治方

黃連救苦湯

黃連救苦湯 羌活防風共甘草

柴芍芍歸翹梗苓
腦疽煎服可安寧

治腦疽發鬚發頤及天行時毒初起增寒壯熱顛面耳項俱腫服
之未成者自消已成者自潰

黃連

升麻

葛根

柴胡

赤芍

川芎

歸尾 連翹 桔梗 黃芩 羌活 防風

金銀花 甘草節各一錢

水二碗煎八分臨服入酒一杯食後服

解毒天漿散解毒天漿石決明連翹羌活乳香等

治腦疽積毒日深堅腫木硬口燥舌乾惡心煩渴六脉沉實有力

大便閉結不通者並宜服之

石決明生研 姜蠶 川山甲土炒 防風

乳香 甘草 金銀花 黃連

天花粉新鮮末晒者四兩石白內搗爛投水一碗攪勻絞去渣用

右花粉淨汁一碗半同藥煎至八分入酒一杯空心熱服行過三

次方用飲食忌食煎炒發物

內托千金散內托千金散芍芪參桂銀草天花粉

白芷 芎歸 防 桔 藜 痛加乳沒効堪推



治腦疽發背諸毒惡瘡已成不消者服之易潰

白芍 黃芪 川芎 當歸 防風

天花粉 金銀花 人參 肉桂 白芷

乳香 沒藥 二味痛甚加八

右水二碗煎八分臨服入酒一小杯食遠服

迴毒銀花散 迴毒銀花散最奇 借問君家何等藥

癰疽陰毒總堪醫 銀花甘草楊黃芪

治腦疽及諸發陰瘡不起色變紫黑者急服之

金銀花 連枝葉 二兩 黃芪 四兩 生切 甘草 一兩 切

用紹酒二十兩同藥入小口砂罐內密封重湯內煮盡三香為度

取起瀘清服之蓋暖患上其瘡漸漸高腫此轉陰為陽言矣後用

托藥潰膿如服後不痛不起瘡頭流出黑水此真陰不洽

梅花五氣丹 海花五氣丹輕粉 加上雄黃併血湯

乳沒辰砂時片酥 此方原自山仙都



治腦疽發背諸般疔腫初起寒熱交作筋骨疼痛有似傷風惡心嘔吐但未成膿者並宜服之

梅葉片五分當門麝五分輕粉

辰砂各六分乳香

沒藥

瓜兒竭

明雄黃各一錢

真酥散

預於端午前尋之至午時取酥二錢用頭男乳調膏

右前藥各研極細對準分數於端午日辰時製度候至午時將上

藥九味和入蟾酥膏內向日丸之如茄子大一時內晒乾用川椒

二十七粒燈心二十七段同藥收於磁罐內養之以蠟封口不泄

藥氣為妙凡遇惡瘡大毒開罨取出一枚先用美饌食飽次用無

根水漱淨口內再含水一口少項待溫用葱白五寸同水嚼爛嚥

下隨將藥餅安放舌下睡於暖處以被覆蓋藥化苦水徐徐嚥之

瘡勢大者二三餅亦可藥盡其汗即到如淋諸病若失如冬月天

寒難汗噲後將葱白湯催之亦妙凡治無有不効如暗疔人所不



知覺及知覺而失治者毒氣入裏入便昏沉一中便倒不能依法

服藥急用連鬚葱白七個煎酒一盃研藥五餅確下藥氣到心裏

功如湯潑雪患者即便甦醒此為外科第一奇方也

小保安湯

小保安湯歸藿苓
人參甘桔兼合末

黃芪半夏麥冬陳
薑棗同煎病漸伸

治腦疽諸發已潰流膿時平常服之庶不更變

當歸

茯苓

川芎

黃芪

麥冬

陳皮

桔梗

人參

台米

各一錢

半夏

甘草

藿香

各五分

薑三片棗二枚水二茶鍾煎八分食遠服

大保安湯

大保安湯未附歸
黃芪山藥門冬草

參苓芎芍桂丹皮
五味山萸熟地宜

治腦項諸發癰疽惡瘡大毒已潰之後膿水出多氣血虛弱精神

短少飲食少思坐臥不寧煩燥不眠晝則安靜夜則發熱及虛陽

煩渴等症



白朮

當歸

人參

茯苓

川芎

白芍

山萸

黃芪

山藥

丹皮

熟地

五味子

各錢

肉桂

甘草

麥門冬

熟附子

各五分

煨薑三片大棗二枚蓮肉七粒水煎食前後服

陽春酒

一盞陽春酒罕稀
人參栢子當歸遠

天冬杞朮地黃宜
百補方中讓此醫

治腦疽諸發已潰流膿腐盡時脾胃虛弱肌肉生遲或氣血原不足以致肉色淡白不能長發收斂宜服此酒生長肌肉強健脾胃美悅顏色滋潤皮膚凡大瘡後飲此不惟卻病亦且延壽

人參

白朮

熟地

當歸

栢杞

栢子仁

遠志

各二錢五分

右藥用絹袋寬貯以無灰好酒五觔磁罐內浸至一伏時每早午晚各飲一杯熱服如夏月天炎易壞不堪久服將藥分作五分



每次用酒一觔隨便浸服亦効如酒將完藥尚有味再添酒浸飲
之一次已後藥淡無味不必再浸用之

桑木灸法

治諸瘡毒堅而不潰潰而不腐新肉不生疼痛不止用新桑木長
七寸劈指大一頭燃着向患上灸之火盡再換每次灸木五六條
肉腐爲度

神妙拔根方治腦疽發背陰症初起不腫高不熾熱灸不疼其病將
來難治必致壞人十日以前用披針當頂插入知痛處方止隨用
蟾酥條插至孔底每日二條膏蓋三日後加添插藥其根高腫作
疼外用神燈照法助陰爲陽插照七日其瘡裂縫流膿至十三日
其根自脫如日多根深蒂固不能脫者披針取之內用玉紅膏不
脫者自脫不斂者自斂此法百人百活再無不愈者



腦疽應用方

隔蒜灸法

太乙膏

蟾酥丸

人參養榮湯

疔瘡論第十七

板筒法

真君妙貼散

蟾酥條俱見疔瘡門

乳香定痛散

琥珀蠟藥丸

護心散方俱見腫瘍門

十全大補湯

聖愈湯方俱見瘡瘍門

夫疔瘡者乃外科迅速之病也有朝發夕死隨發隨死有三日五日而不死一月半月而終死此在於毒中之淺深臟腑之乖逆節候之寒溫肅殺之瞬息畜類尸忤性情激變暴戾一時發生立判人之氣血虛者各隨臟腑而中之且如毒氣發於心經者生為火焰疔其患多生唇口手掌指節間其發初生一點紅黃小泡抓動癢痛非常左右肢體麻木重則寒熱交作頭暈眼花心煩發躁言語



昏憤此等出於心經之病也毒氣發於肝經者生為紫燕疔其患
多生手足腰脇筋骨之間初生便作紫泡次日破流血水三日後
串筋爛骨疼痛苦楚重則眼紅目昧指甲純青舌強神昏睡語驚
惕此等出於肝經之病也毒氣發於脾經者生為黃鼓疔其發初
生黃泡光亮明潤四邊紅色纏連其患初生口角腮顴眼胞上下
及太陽正面之處發之便作麻癢繃急硬強重則惡心嘔吐肢體
木痛寒熱交作煩渴乾噦此等出於脾經之病也毒氣發於肺經
者生為白刃疔其發初生白泡頂硬根突破流脂水癢痛驟然易
腐易陷重則腮損咽焦毛聳肌熱咳吐膿痰鼻掀氣急此等出於
肺經之病也毒氣發於腎經者生為黑靨疔其患多生耳竅胸腹
腰腎偏僻軟肉之間其發初生黑斑紫泡毒串皮膚漸攻肌肉頑
硬如釘痛徹骨髓重則手足青紫驚悸沉困軟喉孔深目睛透路

此等出於腎經之病也以上五疔相應五臟又紅絲疔起於手掌
節間初起形似小瘡漸發紅絲上攻手脾令人多作寒熱甚則惡
心嘔吐遲者紅絲至心常能壞人用針於紅絲盡處挑斷出血尋
至初起瘡上挑破俱用蟾酥條插入膏蓋內服汗藥散之自愈凡
治此症貴在乎早初起卽治者十全十活稍遲者十全五六失治
者十全一二初起項以上者三陽受毒必用披針刺入瘡心四五
分挑斷疔根合出惡血隨用回疔丹或蟾酥條插入孔內膏蓋之
如項之以下者三陰受毒卽當灸灸之不痛亦須針刺插藥方
効隨後俱用蟾酥丸冬月萬靈丹發其大汗毒乃得解庶不積留
毒氣致生變症今人治法不論陰陽表裏部位上下凡見是瘡便
加艾灸殊不知頭乃諸陽之首凡陽熱極所致其形雖小其惡甚
大再加艾灸火益其勢逼毒內攻反爲倒陷走黃之症作矣旣作

之後頭面耳項俱能發腫形如尸胖七惡頓起治雖有法百中難保一二外又有疔名數種形狀紛紛故有舊說未及重錄也

疔瘡看法

初起如疥形如粉刺或小泡或疙瘡結腫不散者順瘡腫不作寒熱亦不惡心飲食有味手足溫暖者順形已成瘡腫肉不腫四圍白色多痛少癢作膿者順已潰出膿瘡仍高腫肉色鮮明根內紅活漸平者順初起似疔非疔軟慢灰色四邊瘡根平塌漫腫者凶未發前先作寒熱如瘧惡心不食後出瘡如蚊跡蚤斑或青紫黑泡軟陷無根腐爛深孔氣麤足冷者逆瘡形似魚臍頂色灰白軟漫相兼脉細身冷者多逆已成肉腫瘡不腫根腳走散瘡頂空腐血水氣穢死凡疔項之以上針刺不疼項之以下灸之不痛俱死已經走散頭面耳項俱腫煩躁脉細痰動喘急者死日久原瘡無跡走散之處仍復作膿



脉數唇焦終死病雖險惡歲運順者可活瘡雖微險歲運逆者當危
疔瘡治法

初生項之以上者必先針刺以去惡血庶毒不攻內初發項之以下者必先艾灸以殺其勢庶不侵良肉發熱惡寒身體拘急六脉數邪在表也宜汗散之身體發熱口燥咽乾脉實有力二便秘澀者宜下之針刺之後瘡不作腐邊腫不消仍加插藥內亦補托初起快灸致毒走黃不住者急當隨走處砭去惡血發熱乾嘔心煩作渴悶亂神昏解毒清心托裏護膜潰後氣血受傷神怯食少睡臥不寧助脾胃斂神氣將愈後氣血漸復飲食當進仍作湯者急滋養腎水

疔瘡治驗

一監生右顴下生疔三日形如魚目詢間起居但今麻癢不常此卽肺經受毒之症也用針刺入四五分其硬如骨有聲隨用蟾酥條

插至三日猶不腐化此堅頑結聚之病也此藥力不及其事換用
三品一條鎗插至七日外用糊紙封蓋至十一日脫出疔根一塊
約有指許以長肉玉紅膏漸搽漸長先服托裏消毒散加金銀花
二錢白芷五分脫後用八珍湯加天花粉麥門冬黃芪陳皮各一
錢調理月餘候瘡生肉已平用珍珠散摻上結皮而愈

一監生中年妻喪繼娶幼室乃嬌態人也自服補腎助陽之藥以致
腎水受傷不能上制心火左顙發生一泡先紫後黑麻木不知痛
癢凡黑者腎經之毒也其毒豈淺且喜瘡之四邊尚未走散此猶
可取隨用針刺疔上量別藥不濟其事用冰蠟散厚糊作條插入
患孔用糊紙密封勿令泄氣朝服加減八味丸以滋腎水午服益
氣養榮湯接補真氣以滋不足晚用琥珀蠟礬丸護心解毒候至
十一日外疔根與藥結成一塊依期脫落次用生肌斂口補助調

理脾胃之劑二十日而愈後因此公不慎調理失於保節幾及三年復成虛損勞瘵而歿

一婦人年近四旬夫主不利愁鬱種種抱懷不散時值季夏歲荒之極腮發一疔六日後方延予視其時疔毒已經走散頭目唇項俱腫形色紫赤予曰肉腫瘡不腫乃疔毒走黃不治之症彼婦流涕歎曰一家皆絕也予問曰何其如此婦又曰吾夫乃不肖之人婦有一女二子俱未適配設若婦死寄托於夫子女日後必為流蕩輩也故婦在一家生婦逝一家死自然之理予時聞之沉吟不已如此何以得生不忍棄治況此瘡勢大又非藥力可回思之當先僱一貧人以飯食飽再用火酒數杯隨用針刺腫上十餘處令彼噙吸惡血數碗將溫湯洗淨用蟾酥錠磨濃塗之四圍敷金黃散早晚二次內以護心散臘礬丸清心護裏兼服降火化痰開鬱安

神之藥調治而保不變吸血之後餘腫稍退又至六日夫又對言
何其不死彼婦相聞甚若暴怒之極仍又復腫比前尤甚也復
針刺腫甚上約十餘處出血三四碗針孔上小膏蓋貼餘腫仍
其人出血多而其內必虛以人參養榮湯加香附貝母服數日後
針口漸膠餘腫漸消原瘡處復得高腫仍用蟾酥條插化亦漸
潰外用生肌斂口內服開鬱和中養血健脾等劑調理百日外方
愈此病設若相論瘡勢形色者百無一生之理此功出於強勉行
之亦得其生者此婦愈後二子一女俱以婚配其夫亦守其終見
今已六旬半矣

一婦人二十二歲右耳垂向前一寸生疔二日請予視之形有豆大
頂陷灰色此肺經感毒發為白刃疔也又驗其根腳綿軟毒不結
聚為陷伏陰症也未及針刺伊舅曰何恙也予直告曰疔瘡症彼

聽冷笑不信是言也予因辭不用藥隨其信否彼復請客醫治之
視曰風熱疔瘡乃小恙也彼家告以其醫曾曰是疔瘡醫者點頭
而笑曰此真胡說患者喜悅天下事大相懸絕醫用消風散藥二
服毒氣全收隨發昏憤喘急而即死後里中人詢問何速之甚彼
初時因不信予言自誤其死真可惜也

一年少婦顴下生疔疔瘡作癢予欲針之彼家不信辭後自灸次日
四邊漸腫瘡漸軟陷又三日頭面大腫復請治之予觀原瘡灸上
已結黑靨乾陷無膿此毒氣內陷外肉已死又面目浮腫光亮發
熱形狀不堪此正氣衰而邪氣實也雖治亦不効後必終死彼家
方悔自誤之說後延半月果然歸寢

疔瘡主治方

蟾酥丸

蟾酥丸効獨稱雅
銅絲蟾酥寒水石

乳沒砂礬輕粉春
蝸牛原麝共煨



治疗瘡發背腦疽乳癰附骨腎腿等疽一切惡症及瘡不痛或麻木或嘔吐病重者必多昏憤此藥服之不起發者即發不痛者即痛痛甚者即止昏憤者即甦嘔吐者即解未成者即消已成者即潰真有回生之功乃惡症中至寶丹也

蟾酥 二錢 輕粉五分

枯礬

寒水石

煨銅綠

乳香

沒藥

膽礬

麝香 各一錢

雄黃 一錢

蝸牛 二十個 硃砂 三錢

以上各為末稱準於端午日午時在淨室中先將蝸牛研爛再同蟾酥和研稠粘方入各藥共搗極勻丸如菜豆大每服三丸用葱白五寸患者自嚼爛吐於男左女右手心包藥在內用無灰熱酒一茶鍾送下被蓋如人行五六里出汗為効甚者再進一服修合

時婦人雞犬等忌見

黃連解毒湯

黃連解毒用連翹內熱口乾煩燥甚

黃栢山梔之草調
更加牛蒡寂然消



治疔毒入心内熱口乾煩悶恍惚脉實者宜用

黃連

黃芩

黃柏

山梔

連翹

甘草

牛蒡子各等分

水二鍾燈心二十根煎八分不拘時服

立馬回疔丹

立馬回疔丹輕粉雄乳硃砂金頂等

蟾硝蜈蚣白丁香化疔如雪夫投湯

治疔瘡初起已用針刺後又或悞灸失治以致瘡毒走散不佳乃

疔走黃險惡症也急用此捕

蟾酥化酒

硃砂

輕粉

白丁香

各一錢

蜈蚣一條

雄黃

硃砂

各二錢

乳香

六分

麝香

一字

金頂砒

五分註未卷

共為細末糊成麥子大凡遇疔瘡針破用此一粒插入孔內膏蓋之次後追出膿血疔根為効

疔毒復生湯

疔毒復生湯牡蠣花粉銀花黃皂刺

山梔乳沒骨連翹木通牛子不相饒



治疔毒走黃頭面發腫毒氣內攻煩悶欲死者

牡蠣 山梔 銀花 木通 連翹 牛蒡子

乳香 沒藥 角刺 花粉 大黃 地骨皮

水酒各一茶鍾煎一半食遠服不能飲者水煎臨服入酒

服亦効脉實便秘者加朴硝

七星劍

疔瘡最怕七星劍
蒼耳麻黃葦蕒草

野菊可車與蒂丁
諸疔斬斷號神靈

治十三種疔瘡初起增寒作熱惡心嘔吐肢體麻木痛癢非當心
煩作躁甚者昏愒急宜服之

野菊嫩頭 蒼耳頭 葦蕒草 半枝蓮 蒂丁草各三錢

麻黃二錢 草河車二錢

用好酒一觔煎至一碗濾清熱服被蓋出汗為度冬月無鮮草宜
預採陰乾臨時煎服之亦効



鉛粉散

鉛粉散治冷疥瘡
輕粉黑鉛燈黑粉

麝香松脂及黃丹
諸般陰爛可回陽

治冷疥生於腳上初起紫白泡疼痛微骨漸至腐爛深孔紫黑血

水氣穢經久不瘥用此大効

黑鉛

此四兩鐵杓化開顧入水中取起再化
此百遍以鉛盡為度取水澄下者三錢

黃丹

飛炒五分輕粉五分麝香一分

共研先用葱湯洗淨麻油調塗瘡口油紙蓋外

化疥內消散

化疥內消散山甲
甘草白皮乳河車

知母天花粉半夏
皂角銀花赤芍藥

治疥瘡初起或已針已灸之後服之能令內消

皂角針

金銀花

知母

貝母

天花粉

穿山甲

白芨

乳香

赤芍

半夏

甘草

草河車

水酒各一茶鍾煎一半量病上下食前後服之

東毒金箍散

東毒金箍散大黃
黃栢鬱金輕荳粉

白蘞白芨白芷當
敷圍諸毒不開張

松脂



治疥瘡針刺之後餘毒走散作腫宜此藥縊之

鬱金蟬肚者白芨

白薇

白芷

大黃各四兩

黃柏

輕粉錢五

藁豆粉兩一

共為細末酸米漿調籬四邊夏熱甚者蜜水調

解毒大青湯解毒大青湯石膏麻槲木桔燒人糞

元參知母麥冬元參知母麥冬各錢加上人中黃與高

治疔瘡候灸逼毒入裏致生煩躁謔語不定者

元參

桔梗

知母

大青葉

升麻

石膏

山梔

人中黃

麥門冬

木通各一錢

大黃便秘加

燒人糞

水二茶鍾淡竹葉燈心各二十件食遠服

消疔簡便方消疔簡便方容易每服三錢溫酒下

葱白原來共白礬如湯潑雲勝靈丹

治疔瘡及諸惡毒初起但未成膿者服之即効

白礬末三錢

葱白七



右二味同搗極爛分作七塊每塊用熱酒一杯送下服畢用厚被蓋之再啜葱白湯一鍾少傾汗出如淋從容去其覆物其痛若脫此雖味澁難服其効更妙凡居鄉村之處倘有緊病不及請治只傳此方服之活人甚衆誠爲良便方也

太乙紫金丹

太乙紫金丹麝香
硃砂大戟千金子

茨菇文蛤共雄黃
百症諸瘡應手良

解諸毒療諸瘡利關節通治百病此藥真能起死回生製之濟人奇効不可盡述凡居家出入與大工動大兵及闔廣雲貴仕宦者不可無之

山茨菰

洗去毛皮
淨焙二兩

川文蛤

一名五倍子
破淨焙一兩

麝香

揀淨毛皮乾
者研淨三錢

干金子

一名續隨子
白者去油一兩

紅芽大戟

杭州紫大戟爲上江南次
之北方綿大戟色白者性

烈峻利損傷元氣弱人服之有致吐血慎之勿用取
梳州之上品者去蘆根洗淨焙乾爲末一兩五錢整

硃砂

極細末三錢

雄黃

鮮紅大塊者
研細末三錢



以上之藥各擇精品於淨室中製畢候端午七夕重陽或天月德
 天醫黃道上吉之辰凡入室合藥之人三日前俱宜齋沐更換新
 潔衣帽師日方入室中淨手薰香預立藥王牌位主人率眾焚香
 拜禱事畢各將前藥七味復等稱準入於大乳鉢內再研數百轉
 方入細石臼中漸加糯米濃飲調和軟硬得中用柞搗干餘下
 極至光潤為度每錠一錢每服一錠病勢重者連服二錠以取通
 利後用溫粥補之修合時除合藥潔淨之人餘諸忌見此藥惟在
 精誠潔淨為効治一切飲食藥毒蠱毒瘴氣惡菌河豚中毒自死
 牛馬猪羊六畜等類之肉人悞食之必昏亂卒倒或生異形之症
 並用水磨灌服或吐或瀉其人必甦南方山巒瘴氣烟霧瘴疫最
 能傷人感之纏覺意思不快惡寒惡熱欲嘔不嘔即磨一錠服之
 得吐利便愈癰疽發背對口疔瘡天蛇無名腫毒蛙節紅絲等疔



及楊梅瘡諸風癰瘰新久痔瘡並用無灰淡酒磨服外用水磨塗
搽瘡上日夜數次覺癢而消陰陽二毒傷寒心悶狂言亂語胸膈
塞滯邪毒未出瘟疫煩亂發狂喉閉喉風俱用薄荷湯待冷磨服
赤白痢疾肚腹瀉泄急痛霍亂絞腸痧及諸痰喘並用薑湯磨服
男子婦人急中顛邪渴叫奔走鬼交鬼胎鬼氣鬼厲失心狂亂羊
兒猪顛等風俱用石菖蒲煎湯磨服中風中氣口眼歪斜牙關緊
急言語蹇澀筋脉攣縮骨節風腫遍身疼痛行步艱辛諸風諸癩
並用酒磨頓熱服下自溢溺死驚死壓死鬼魅迷死但心頭微溫
未冷者俱用生薑續斷酒煎磨服一切惡蛇風犬毒蝎溪滴諸惡
等蟲傷人隨即發腫攻注遍身甚者毒氣入裏昏悶叫命在須
臾俱用酒磨灌下再啣葱湯一碗被蓋出汗立甦新久瘧疾臨發
時東流水煎桃柳枝湯磨服小兒急慢驚風五疳五疔脾病黃腫

癰瘡瘡瘤牙關緊閉並用薄荷浸水磨濃加蜜服之仍搽腫上年
歲幼者每錠分作數服牙痛酒磨塗痛上仍含少許良久噴水
見父母遺毒生下百日內皮塌爛斑穀道眼眶損爛者俱用清水
磨塗打撲損傷松節無灰酒研服年深月近頭脹頭疼太陽痛極
偏頭風及時瘡愈後毒氣攻注腦門作脹者俱用葱酒研服一錠
仍磨塗太陽穴上婦女經水不通紅花湯下凡遇天行疫症延街
及巷相傳傳染者用桃根湯磨濃搭入鼻孔次服少許任入病家
再不傳染又治傳尸勞瘵諸藥不能禁忌二方士指家服此每早
磨服一錠至三次後逐下惡物尸蟲異形怪類後得脫利以此相
傳活人不計其數一女子久患勞瘵爲屍蟲所噬磨服一錠片時
吐下小蟲十餘條後服蘇合香丸其病頓失調理月餘而愈真濟
世衛生之實藥也

人參清神湯 人參清神湯水芪 吳陳遠志黃連等

治疔瘡潰膿後餘毒未盡五心煩躁精神

清服之降火清心保扶元氣

人參 黃芪 當歸 白朮

茯苓 地骨皮 遠志 各錢 甘草

水二分鍾糯米一撮煎八分食遠服

內托安神散 內托安神散水芪 麥冬五味葛蒲草

治疔瘡針後已出膿時元氣虛弱睡臥驚悸心志不寧或毒未盡

流入心竅致生健忘亦宜服

人參 茯神 黃芪 白朮 麥冬 元參

陳皮 各錢 酸棗仁 遠志 甘草 石菖蒲

五味子 各五分

歸苓 功効 草麥冬 同地骨皮

惚不寧言語睡臥不

麥冬 陳皮

柴胡 黃連 各五分

茯神酸 志陳皮 加上人參又奇



水三鍾煎八分臨入硃砂末三分和勻食遠服
疔瘡應用方

蟾酥條即前蟾酥丸作條餅用之

琥珀蠟蓉丸

玉紅膏

如意金黃散

護心散

托裏消毒散

見傷門

八珍湯

益氣養榮湯

加減八味丸

人參養榮湯見潰瘍門

珍珠散下疳門

水蛭散療瘰癧門

脫疽論第十八

夫脫疽者外腐而內壞也此因平昔厚味膏粱薰蒸臟腑丹石補藥消燥腎水房勞過度氣竭精傷或兼房術涇精霸道藥噲舌下化水直至丹田或納臍中使熱徑投內腎為丸掌握作香鼻息塗抹陰鼎或擦陽器圖使堅硬希求常濟多致陽精燭惑淫火猖狂其蘊蓄於臟腑者終成燥熱火症其毒積於骨髓者終為疽毒陰瘡



誠爲巧人行拙誰防禍起蕭牆者多愚自謂喜從天降不顧後
日也骨枯髓涸臟敗腑亡方知今日惟殃有故解脫無方凡患此
者多生於手足故手足乃五臟枝幹瘡之初生形如粟米頭便
黝黃泡其皮猶如煮熟紅棗黑氣侵漫相傳五指傳遍上至腳面
其疼如湯潑火燃其形則骨枯筋練其穢異香難解其命仙方難
活故謂血死心敗筋死肝敗肉死脾敗皮死肺敗骨死腎敗此五
敗者雖有靈丹竟喪命而已是生此疾者死生付於度外孫真人
曰在肉則割在指則切卽此病也治之得早乘其未及延散時用
頭髮十餘根纏患指本節盡處選扎十餘轉漸漸緊之毋得毒氣
攻延良肉隨用蟾酥餅放原起粟米頭上加艾灸至肉枯瘡死爲
度次日本指盡黑方用利刀尋至本節縫中將患指徐順取下血
流不住用金刀如聖散止之餘腫以妙貼散敷之次日倘有黑氣

未盡單用蟾酥錠研末摻之膏蓋黑氣自退患上生膿照常法用
玉紅膏等藥生肉護骨完口此爲吉兆內服滋腎水養氣血健脾
安神之劑若內無變症外無混雜此十中可保其三四矣若割取
之後黑色仍漫痛腫尤甚敗惡無膿口乾舌硬精神不爽食不知
味者終死凡治此不可一已醫治必與高明衆議聽患者願情割
取況此症首尾吉凶變駁難定故不可輕易用之又有形似而來
非穴真而受異詳註在後宜參觀之

脫疽看法

起瘡不渴口潤舌和性志尋常無妄暴急循禮爲吉初出形如麻子
炊熟作痛一指皆腫根腳收束者吉已成頭便作瘻肉不紫黑疼痛
有時膿出腫消者吉已潰先膿後腐肉色紅活毒不走散氣不腥穢
者吉未瘡先渴喜冷無度昏睡舌乾小便頻數喘痿者逆初氣形如

粟米肉便紫色不腫刺疼黑氣延取者逆已成瘡形枯斃肉黑皮焦
痛如刀刺毒傳好指者逆已潰肉枯筋腐血水臭汗疼苦應心零打
徹骨者逆

脫疽治法

脫疽多生足指少生手指初起水窠黃泡者即灸之初生如粟裏可
容谷皮色紫赤不作焮腫髮孔仍灸已灸之後瘡受火氣發泡作膿
外藥籜之內兼補托毒勢已成瘡形稍陷但紫色未攻腳面者評議
割取既割取之後血水淋漓疼痛不減和氣血補脾胃已成飲食減
少身體倦怠便數口乾滋津液壯腎水破後氣血受傷脾胃虛弱自
汗盜汗惡心乾嘔睡臥不寧日晡發熱疼痛苦楚煩悶譫妄俱宜大
補氣血富貴及膏粱素養色慾每於房術縱恣日久禁行割法

脫疽治驗

一男子年近五旬右足小指初生如粟米漸成白泡三日始痛請治
頭已腐爛一指紫腫此脫疽也隨用艾火明灸十三壯始大痛乃
止又用針刺灸頂以蟾酥餅貼灸上膏蓋本指腫上用披針擊刺
七八處發泄毒血用蠟酥錠磨濃塗之腫外以真君妙貼散敷護
良肉庶不外侵其時患者脉數身發寒熱惡心體倦先用人參煎
毒散解其表症次用黃連內疎湯通其大便而惡心煩熱亦止又
以托裏消毒散加金銀花牛腦數服早以八味丸晚用蠟礬丸相
兼服之喜其火疎毒氣隨又針刺前泄其毒故不變作解毒爲膿
腫方不散後用十全大補湯加山萸五味麥冬等藥調理月餘而
愈此疽若不針灸發泄毒氣專假藥力敷圍再加峻藥攻利必致
傷其元氣豈能保固毒不侵犯得安之理

一客商右足次指生一紫泡癢痛異常次日指用俱紫欲黑視之乃

肝腎二經之毒彼曰何別也予曰甲乃肝之氣甲紫則肝受毒也骨乃腎之餘腎傷則骨黑此理甚明彼又曰何以致之予曰凡人勞疲筋力傷於肝悞服熱藥傷於腎僂者曰情實有此因彼久居客邸交結私妓情懷最密極力承奉但夜並服興陽細丸斯時常至立交戲謔有此二年矣前言正中其病此勞力熱藥傷腎傷筋之實也其病尤險欲辭不治彼哀告客途欲得生返再三求治予又斟酌先取妓者頂髮十餘根撚線纏扎患指盡處隨將艾炷安於所扎上面紫色處排勻三處每灸七壯各放蟾酥餅膏蓋次後脹痛稍忍不捨解去扎髮過夜一指皆黑相量筋骨皮肉俱死仍用利刀順節取脫患指乃冰冷惡物預煎甘草湯浸洗良久候瘀血稍盡以止血散摻之次日灸上紫色不退恐其上延又以神燈照法照之候血散皮縐旋合蟾酥丸料多加海羊研爛敷之早

晚二次腫不復作紫色變紅紅色潰膿外用生肌止痛活血收斂之藥又熬參朮地黃膏朝服接補真元午服健魄藥以固胃氣晚用金液丹以解藥毒如此調理三月而愈後人問之用妓者預髮扎之何也予曰彼之頂髮乃心契之物也以髮羣肉雖疼而不疼彼又如在目前此釋情之意也

一婦人中年肥胖生渴三載右手食指麻癢月餘後節間生一小泡隨後本指漸腫疼脹不堪視之原泡處已生黑斑半指已變紫黑此亢陽之極乃成脫疽診之脈洪大數而有力此與肥人相反如再黑色上延壞人迅速詢問此婦先居富室無嗣每縱膏梁架架烘爐炭又兼多服種子熟藥中年喪夫家業盡被嗣人侵費致久懷憂鬱後與寡母同棲身耽寂寞此先富後貧所願不得又爲失榮瘡也辭不可治彼婦母子再三哀懇予亦無之奈何乃遵孫真人

治法在肉則割在指則切此外無他彼願從之先服人參養榮湯
隨用軟絹條尺許纏裹黑色盡處好肉節上以漸收緊扎之庶不
通行血絡次用利刀放準依節切下將手隨浸甘草溫湯中若時
其血不大多其疼亦不大甚患者曰惟心之懼不知而下以神力
之佑也予曰所嫌者切而不痛此爲氣血筋骨俱死此物雖脫其
症未可得愈每以八味丸料加入人參麥冬大劑煎服先救腎水次
扶脾胃間用金液戊土丹以解藥毒後三日所扎指上漸漸放鬆
以通血脈搽貼紅靈膏生肉止痛次後手背手掌日漸發腫勢
惡之甚惟不黑色此內毒已出之故仍用神燈照法兼以猪蹄湯
淋洗後又腫上皆出數頭流去膿血不計其許兩月外方得原腫
稍退膿穢稍減又以參朮膏人參養榮湯兼服半年外方安其婦
雖活五指失矣

一男僕冬月嚴寒主使赤足履地不敢移隨後血水麻木次日十指俱紫又數日全變黑色麻木不痛請視之強用辛熱散寒活血藥洗等藥終至不應後必十指齊脫又延黑腳面骨節一段甚作疼痛彼主恐脫疽也予曰似是面來非後必不妨令患者常用桑木火灸之取其溫暖活血又能解散鬱毒其患漸腐漸脫自不走散內服健脾養血之藥調理外用生肌紅黑二膏培長肌肉百日外愈矣

一侍女年十二歲容貌頗通新主嫌其腳大用腳布任意纏緊以線密縫其腳脹痛不堪訴主不聽至半月後流出臭水方解視之其雙足前半段盡皆黑腐請視之骨肉已死予曰此已壞者不能復活只救將來未壞者可也先煮參粥食之次煎葱湯令彼家侍婦將患足浸入湯內淋洗再換湯浸但腐肉不痛者逐一剪割連續

知痛者又以花蕊石散搽之保將患者復其生已壞者得其脫內服補中益氣湯接其勞外搽生肌玉紅膏長其肉後雖得愈但二者俱致疲疾終身此為穴真而受異也

一男人右足小指縫中初生一點黃粟泡皮肉隨變紫色陰疼不腫當如刀刺視其形色真脫疽也診其脉又得細數無力此腎經傷敗症也但患者生平大飲內有正副三人此必精力已竭縱治無功予起辭之後必延至腳面足底皆穿痛徹不已又飲食日少氣血日衰形體日削一月後百苦而終

脫疽主治方

解毒濟生湯

解毒濟生湯草芎知栢二花併遠志

花粉柴芩神麥冬犀角升麻牛膝同

治脫疽初起惡寒體倦發熱作渴或腫或紫或麻或痛四肢倦怠心志恍惚不寧者並宜服之

川芎

當歸

黃柏

知母

天花粉

金銀花

麥冬

遠志

柴胡

黃芩

犀角

茯神

甘草

紅花

升麻

牛膝

各五分

水二鍾煎八分臨服入童使一杯隨病上下服

陰陽二氣丹

陰陽二氣麥天冬澤瀉辰砂礬五味

片栢元參青黛同人參甘草解煩癢

治脫疽久服丹石補藥致虧腎水多成口燥咽乾至飲水雪不知

其冷此孤陽獨旺宜服此解

天冬

搗膏

麥冬

搗膏

五味子

炒研

黃栢

人中白

小兒溺者生用研

元參

湯泡去麓皮鴨膏各一兩

青黛

色嬌嫩者

枯礬

辰砂

為衣

澤瀉

各三錢

冰片

一錢

各為細末同元參二冬膏子加煉蜜少許再搗于餘下軟硬得中

丸如桐子大每服六十九童便乳汁各一鍾空心送下安睡一時



其功如神

清神散

清神散內用硃砂解毒惟於甘草節

豈粉梅花水片加諸瘡煩嘔自然瘥

治脫疽疔瘡發背毒積甚者腠理發越不盡多致煩躁悶亂腫則謔言嘔吐不食者並宜服之

甘草節錢五 菜豆粉一 劈砂錢三 梅花片分五 牛黃分三

右為細末每服一錢淡竹葉燈心湯調服

雌雄霹靂火雌雄霹靂火純陽陰毒陰疽陰發背

斬艾雙黃下麝香逢之一灸自回陽

治脫疽及一切發背初起不疼痛者並宜灸之

艾茸錢二 丁香 雌黃 雄黃各二分 麝香錢一

右四味共研極細搓入艾中作安豆大丸放於患上灸之毋論痛癢以肉焦為度如毒已經走散就紅暈盡處排炷灸之痛則至癢癢則至痛為妙灸後仍用提疔麥子貼上膏蓋次服蟾酥丸及解



毒濟生湯兼治轉回活色有膿為妙

金液戊土丹 金液戊土丹五味砂雄硝石烏梅等

牛黃神志石菖蒲片麝人中黃不殊

治脫疽及疔瘡發背縱食膏粱厚味法酒又或丹石補藥功力房

勞多致積毒臟腑則胃汁中乾腎水枯竭不能上制心火以致

消渴消中消腎饒飲多乾能食多瘦九竅不通驚悸健忘此症若

出後必發疽多難治療宜預服此亦可轉重就輕移深居淺又解

五金八石之毒藥也

人中黃 法古未卷

烏梅肉

茯神

胡黃連

五味子 各一兩

石菖蒲

辰砂

雄黃

遠志

硝石 各三錢 牛黃

冰片 各錢

金箔 二十為衣

各為淨末配準前數共入乳鉢內再研百轉於端午七夕或二至

二分吉辰在淨室中先將烏梅地黃二膏搗極爛和藥漸加煉蜜



少許徐徐添搗軟饅得中每藥二兩分作十丸金箔爲衣每服一丸用人乳童便共一大杯化藥隨病上下食前後服之此藥最解膏梁金石藥毒殺三口除勞熱極有奇功又治煩顛王安神志解瘴辟瘟及諸邪魅謔語妄情失心喪志者俱效修合之時服藥之際俱忌婦人僧尼孝服雞犬等見之此藥用蠟封固收藏不惟藥味愈久愈效

脫疽應用方

針刺法

蠟磬丸

真君妙貼散

玉紅膏

參朮地黃膏

蟾酥丸

神燈照法

丙疎黃連湯

托裏消毒散

人參養榮湯

見腫瘍門

蟾酥餅 見片瘡門

太乙膏

豬蹄湯

十全大補湯

補中益氣湯